

中山外集

論辭啓祭文通電訓令檄文
序書頌辭宣言令誓詞露布


各省世界書局發行

中華民國十六年六月初版

中山外集（全一冊）

【每部價洋三角五分】

（外埠酌加郵費匯費）



編輯者	太倉馮超
印刷者	中央圖書局
發行者	中央圖書局
印刷所	中央圖書局
經售處	上海四馬路中市 世界書局 共和書局
分經售處	各省共和書局

總理組織同盟會之時肖像



在紀元前六年

1307 / 1407 / 1507 / 1607

序

兒子超。少受余之薰陶。自肄業上海大學後。復受楚僉力子諸兄之教育。崇拜中山先生。不啻老儒之於孔子。佛子之於釋迦。十二三齡時。已將余二十年前所珍藏之禁書。一一泛覽。甲子而後。海上民智書局。每出版一先生著作。及研究中山主義之著作。莫不以先觀爲快。其視中山主義。且急於飢食而渴飲也。顏其讀書之室。曰尊文。座右遍懸先生及鄒威丹。方聲洞。趙伯先。諸先烈之遺像。有譏議先生及諸先烈者。切齒怒目。頓足狂詈。視之若仇讎。每恨其生也晚。不及追隨先生革命。並不獲一見先生慈顏。於讀史之暇。乃搜集光復前後諸禁書。有先生所著者。卽行鈔錄。久而成帙。皆民智光華及其他諸肆中所未獲者。東雲一鱗。西雲一爪。得之匪易。視之彌珍。隋珠和璧。不足以擬吾中山先生外集也。迴溯當年。余齡十九。而隸中國同盟會。今超亦十九齡。而有中山先生外集之編。不可謂不肖焉。唯余自入黨迄今。篤信三民主義。未嘗變節。雖三被名逋。而無所建樹。宜其廢棄。超兒既篤信先生學說。常知先生所謂行之匪艱。知之唯艱之義。既能知之。急起行之。堅忍不拔。勇猛精進。窮困不變。生死不渝。先生既示我以模範。兒其努力赴之。以補吾過。庶幾毋愧爲先生之信徒。

中華民國十五年十一月二十二日壯公馮平序於颶山寧靜廬

序

孫公既沒。同盟者似游夏不能贊一詞。海內外同志。慕公敬公。莫不研索公所著建國方略。建國大綱。三民主義。及最近之演說外。並欲窺公宿昔之著作。乃有輯公著者出焉。蓋已往三十年。正公飄零湖海。崎嶇關山之日。奔走革命。靡有暇逸。所有書牘演說文章。以亡命故。不能留。遂亦不留。今所存者。光復後。同志所輯刊於日報雜誌中者也。今同志所輯者。即報上所刊之文也。然尙憾有闕者。超慕公之爲人。尤好讀公之著作。自公薨逝之後。超集紀元前後之革命書報。見公之文。一一手錄。兢兢業業。若荷重負。二年之中。積稿盈寸。今適公二週紀念之辰。於篋中取出。與各同志所輯之書校之。得未刊者若干篇。付諸梨棗。海內外人士。與超同志者。當亦樂觀厥成歟。他日青天白日之國徽飛揚大地。斯編必家弦而戶誦之。有紙貴洛陽之概。能若是。是國家之光。亦小子之幸也。

中華民國十六年 總理二週紀念太倉黨員馮 超謹序

中山外集目錄

一 論

支那保全分割合論……………一

中華民國建設之基礎……………七

二 序

中國革命實見記序……………一三

黃花岡烈士事略序……………一四

建國方略序……………一五

三 辭

國民月刊出世辭……………一九

四 書

致平山周書……………二三

上香港總督請願書·····	二三
致香港道濟會堂區鳳池長老書·····	二六
再致美洲致公堂同志書·····	二七
致鄧澤如書·····	二八
再致鄧澤如書·····	二九
致李源水書·····	二九
致李源水陳螺生書·····	三〇
敦聘章太炎書·····	三一
復章太炎書·····	三一
覆女界共和協濟會書·····	三二
向英人要求自由禁烟主權請願書·····	三二
致袁世凱書·····	三三
致宋教仁書·····	三四
致黎元洪書·····	三五

致吳稚暉書……………三五

致徐謙書……………三七

致護法議員函……………三八

覆葉舉等將領書……………三八

勸黨員釋疑書……………三九

致商團書……………四二

佈告同胞書……………四三

五 啓

介紹日本名醫高野太吉翁啓……………四五

六 頌辭

祝參議院開院文……………四七

七 祭文

祭同志衆議尙君天德文……………四九

八 宣言

祭蔣太夫人文·····	四九
祭列寧文·····	五〇
就中華民國臨時大總統宣言·····	五一
中華民國元年對外宣言·····	五三
民國四年宣言·····	五七
民國六年受海陸軍大元帥職宣言·····	五七
民國十年就大總統職宣言·····	五八
民國十年對外宣言·····	五九
民國十一年宣言·····	六〇
民國十一年對外宣言·····	六三
宣布粵變頗末表示統一意見宣言·····	六三
討曹宣言·····	六七
出師對粵宣言·····	六八

入京宣言·····

入京宣言·····

入京宣言·····

九 通電

就臨時大總統職通告各省都督司令長電·····

就臨時大總統職通告南京各省代表電·····

改用陽曆通電·····

禁止株連電·····

答復淮南運商電·····

致北軍各將領電·····

勸告北軍將士文·····

致陳競存及中國同盟會調和黨派電·····

致大同府何都督否認自分南北電·····

通告辭職舉袁電·····

六九

七〇

七〇

七一

七一

七一

七二

七二

七三

七三

七四

七五

七六

辭大勳位電·····	七六
反對北京重組參議院通電·····	七六
致袁總統電·····	七七
通電討袁·····	七七
答四川省議會電·····	八〇
鼓勵義軍作戰電·····	八〇
爲金韓被殺致齊蕭電·····	八一
致上海各粵僑團體申明粵商團謀叛經過電·····	八二
致外交團請否認曹錕爲總統電·····	八二
覆上海中國國民黨本部否認聯曹電·····	八三
爲遣派宣傳員事電·····	八四
復段合肥電·····	八四
致段芝泉電·····	八四
復馮玉祥等電·····	八四
復張作霖電·····	八五

復馮玉祥等電……………八五

致盧督辦電……………八五

致唐繼堯電……………八六

致唐繼堯電……………八六

復孫伯蘭電……………八六

復段執政電……………八七

布告同胞電……………八七

十 令

告海陸軍士文……………九一

解職令……………九二

討曹錕令一……………九三

討曹錕令二……………九三

討曹錕令三……………九四

十一 訓令

訓令樊鍾秀文……………九五

十二 誓詞

就中華民國臨時大總統誓詞……………九六

十三 檄文

討袁氏檄文……………九七

十四 露布

佈告就職海陸軍大元帥文……………九九

爲國慶紀念佈告文……………九九

北伐訓誥國民文……………一〇〇

中山外集

一 論

支那保全分割合論

今天下之大事。無過于支那之問題矣。東西洋政家立東亞之策者。其所倡皆有保全分割之二說。西洋之倡分割者曰。支那人口繁盛。其數居人類三分之一。其人堅忍耐勞。勤工作。善經商守律法。聽號令。今其國衰弱至此。而其人民于生存競爭之場。猶非白種之所能及。若行新法。革舊蔽。發奮爲雄。勢必至凌白種而臣歐洲。則鐵木真漢拿比之禍。必復見于異日也。維持文明之福。防塞黃毒之禍。宜分割支那。隸之爲列強殖民之地。倡保全者曰。支那爲地球上最老之文明國。與巴比倫。加利地。諸古國。同時比美。而諸國者已成坵墟。祇留殘碑遺址。爲學古者考据之資。惟支那裒然獨存。經數千年。至今猶巍乎一大帝國。其文明道德。自必有勝人者矣。且其人民爲地球上最和平之種族。當最強盛之時。亦鮮有窮兵黷武。逞威力以服人者。其附近小邦。感文德而向化。今雖積弱不振。難以自保。然皆清廷失措。有以致之。其漢民之勤忍和平。如斯。未嘗失德也。凡望世界和平。維持人道。獎進文明者。不可不保全此老大帝國。助之

變法維新。爲之開門戶。闢寶藏。以通商而惠工。則地球列國。豈不實蒙其福也哉。東人之倡保全者曰。支那爲日本輔車唇齒之邦。同種同文之國。若割裂而入于列強。則臥榻之側。他人鼾睡。將來列強。各施其保護稅法之政策。如佛之于安南。米之于飛鳥。必將今日自由爭競之極大商場。盡行圈鎖。日本位于亞東。環海而國。仿如英國之于歐西。已有地狹人稠之患。他日賴以立國者。亦必如英國以工業商務爲根本。設使支那分割。豈啻唇亡齒寒。是直鋤吾根本。傷吾命脈。支那一裂。日本其必繼之。爲日本計。是宜保全支那。而保全支那。卽自保也。若他國有懷并吞之心。肆分割之志者。吾日本當出全力以抗之。倡分割者曰。清國政治頹敗。官吏貪污。上下相蒙。人不愛國。故有數百萬里之土地。四萬萬之人民。開禁通商。數十年于茲。得接歐米文明。先于日本。然猶不能取法自強。而獨頑鋼因循。虛張自大。至今一敗再敗。形見勢絀。其國運如失棹之舟。其執政若喪家之狗。而其滿朝舉動。則倒行逆施。棄地賄俄。投虎自甘。我雖欲保全之而分割勢成。禍由自取。雖有賢達。莫如之何者也。今列強已盡畫其國土爲勢力圈。分割之局已定。保全之機已去。爲日本計。莫若因時順勢。與俄結盟。讓之東并滿蒙。西據伊藏。我得北收朝鮮。南領閩浙。以擴我版圖。張我國勢。則大陸分割。我猶獲得一隅。病夫遺產。我亦均沾一分。若暗于時機。昧夫形勢。徒託保全之名。適見其迂遠而無當也。西洋政家之言。其得失是非。姑置勿辯。今請將東洋政家之說。推而論之。二說各有所見。言保全者若衷于事理。言分

割者似順于時勢。然以鄙意衡之。兩無適可。今欲窮源竟委。推求其所以然。則不能不分別國勢民情兩原因而詳考之。就國勢而論。無可保全之理也。就民情而論。無可分割之理也。何以言之。支那國制。自秦政滅六國。廢封建而爲郡縣。焚書抗儒。務愚黔首。以行專制。歷代因之。視國家爲一人之產業。制度立法。多在防範人民。以保全此私產。而民生庶務。與一姓之存亡無關者。政府置而不問。人民亦從無監督政府之措施者。故國自爲國。民自爲民。國政庶事。儼分兩途。大有風馬牛不相及之別。政府與人民之交涉。祇有收納賦稅之一事。如地主之于佃人。惟其租稅無欠。則兩不過問矣。至滿胡以異種入主中原。則政府與人民之隔膜尤甚。當入寇之初。屠戮動以全城。搜殺常稱旬日。漢族蒙禍之大。自古未有若斯之酷也。山澤遺民。仍有餘恨。復仇之念。至今未灰。而虜朝常圖自保以安反側。防民之法加密。漢滿之界尤嚴。其施政之策。務以滅絕漢種愛國之心。渙散漢種合羣之志。事事以刀鋸繩忠義。以利祿誘奸邪。凡今漢人之所謂士大夫。甘爲虜朝之臣妾者。大都入此利祿之牢中。蹈于奸邪而不自覺者也。間有聰明才智之士。其識未嘗不足以窺之。而猶死心于虜朝者。則其人必忘本性昧天良者也。今之樞府重臣。封疆大吏。殆其流亞。而支那愛國之士。忠義之民。則多以漢奸目之者也。策保全支那者。若欲藉此種忘本性昧天良之漢奸而圖之。是緣木求魚也。而何以知其然哉。試觀今日漢人之爲封疆大吏。如已死之劉李者。非所謂通達治體力圖自強者乎。然湖廣總督治內土地十四萬餘哩。人民五千五百

萬有奇。兩江總督治內土地十五萬七千餘哩。人民六千五百萬有奇。兩總督于治內有無限之權。稅可自征。兵可自練。已儼然一專制之君主矣。且其土地人民。已有爲列強中多所不及者。而日本則以十四萬哩之土地。四千三百萬之人民。稱雄于亞東矣。若以劉李圖強之心。憑江湖有爲之具。固未嘗不可以發奮爲雄。齊驅列國。乃救亡防亂之不給。功業相反者。抑又何也。以民心之不附。治效之無期也。劉李固漢人。大吏中之錚錚者。已如是矣。若今之以待就木者。乳臭未蠲者。則更無足齒也。而謂漢人大吏中。有可爲保全之資者。其足信哉。至于滿人。則更無望矣。非彼之不欲自全也。以其勢有所必不能也。凡國之所以能存者。必朝野一心。上下一德。方可圖治。而滿人則曰。變法維新。漢人之利。滿人之害。又曰。寧贈之強隣。不願失之家賊。是猶曰支那土地。寧奉之他人。不甘返于漢族也。滿人忌漢人之深如此矣。又何能期之同心協力。以共濟此時艱哉。況夫清廷屢下變法維新之詔矣。然審其言行。有符合者否。無有也。不察者。徒見其小有舉動。如遣數十學生而來游學。聘十餘武員以爲教習。便相慶以爲清國之轉機在此。變法在此。而殊不知二三十年以來。其遣學生聘武員者。不屢行之乎。其成效顧安在哉。而今又有此舉者。不過甫受再創之餘。徒捫拾以爲粉飾。是猶病癱瘓之人。震之以電氣。稍致其手足之輾動耳。斷不能從此復原也。策亞東時局者。慎毋以此而惑其觀世之智。而以虜朝尙有轉圜之望也。况北京破後。和議告成。滿洲一地。已非韃靼之游牧場矣。雖日本出而抗爭。露人佯爲一時之憂。